

黃警頑編

南洋
霹靂
華僑革命史蹟

上海文華美術圖書公司印行

中華民國廿二年元月印刷
中華民國廿二年二月出版



中華革命史蹟

平裝每冊定價大洋壹元
精裝每冊定價大洋貳元

編輯者

黃警頑 羅次啓 黃宗漢
蔡穎芳 王熙卿 劉湘英

發行者

文華美術圖書公司

印刷者

上海周家嘴路保定路口
文華美術圖書公司
電話五〇九一二號

總發行

上海棋盤街五馬路口
文華美術圖書公司
電話九三〇八九號

代售處

各省各大書局

贊民同志惠存

弟鄭螺生敬贈


民國廿四、十六

黃警言頌君編

南洋霹靂
華僑革命
墨蹟

李烈鈞





鄭螺生光榮史

黃警頑

滿清苛政煩細。民不堪命。弱者飲泣吞聲。忍受暴虐。強者挺而走險。流亡海外。披荆斬棘。開闢草萊。創造今日燦爛之南洋。以受盡異族之壓迫。故其要求民族之獨立與自由。較祖國人士為熱烈。而對三民主義之信仰。亦愈堅而彌篤。歷次革命。類皆踴躍輸將。幾度起義。皆得力於僑胞。民元前余曾援引暨南學生二十餘人參加北伐敢死隊和學生軍決勝疆場。散佈革命種子。以有今日之民國。故孫總理稱華僑為革命之母。而國人譽南洋為革命之策源地。詢不誣也。當時新嘉坡方面隸籍同德書報社老黨人。有鄭螺生者。尤為中國革命之先覺。民十九年秋。當得亡友蔡渭陽君之介紹。知其平生奮鬥之困苦。贊助革命之熱忱。實是令人聞風興起。因稍敘其軼事。以為關心華僑革命史料者告。

先生為孫總理老友。籌捐鉅款。資助革命運動。厥功甚偉。為人性沉毅。尚義俠。待人接物。藹然可親。自幼隨祖父由閩飄泊至怡保。初司牛車。日夜辛勤。積資樹藝販貨。以義為利。深得顧客信心。創辦怡保女學校。培植家政人才。復創益興隆。業餘致力黨務工作。年逾六十。仍熱心革命不懈。因觸英殖民地政府之忌。被逐出境。現其店務由二子繼承。鄭氏回國後。當局念其前功。昇以監察委員重職。遼瀋事變之初。彼曾寄家書云。一日寇內侵。國難日亟。僑胞愛國。正在斯時。航空建設。尤為需要。快勸親友。節衣縮食。集資後援。足見其抗日報國之志。早具決心。今春余赴首都與柏靜如女士結婚。承伉儷光臨祝賀。并題贈「博愛親仁聯合奮鬥」。席間更述九一八故事。略謂東北養兵數十萬。所以不抵抗者。病在懼日怕死心理。此病不除。國亡無日。言已不勝感慨。嗟夫、江山割裂。國土淪亡。小醜橫行。生民塗炭。凡我國人。皆應刻苦自厲。努力圖強。救國務先愛國。則國家前途。庶乎有豸。茲因鄭君革命史蹟之發刊。特書數言。藉表崇仰典型云爾。

華僑革命之前因後果

鄭螺生

導言

清初順治年間。鄭成功起義於閩泉州。據金廈兩島以抗清廷。及擴充其勢力於台灣。此卽總理認爲對滿清革命之嚆矢焉。經三世。爲其部下施郎所滅。其不願投誠者。多奔南洋。後繼者爲洪秀全。起於金田。奄有長江下流全域。都金陵。號太平天國。後爲曾國藩左宗棠所滅。其不願投誠者。亦相率向南洋奔竄。繼而有小刀會之組織。其黨員據有同安與廈門。然未幾亦遭失敗。首領黃志信。旋亦南奔。溯自南洋羣島未歸英荷法西班牙掌握之前。馬來亞爪亞土人。原無政治觀念。故各愛國失意之士。多相機集中各地。分據所屬海口。各謀發展其勢力。以執南洋之霸權。形勢如此。故極爲滿清所忌。及西班牙荷蘭東渡。繼以英美諸國先後霸佔麻喇呷、菲律賓、檳榔嶼、新嘉坡等埠海岸。而據有吉隆海岸之葉來等。最後亦爲英所屈服。於是各方僑衆。乃痛惜滿清之統治無能。故有三點會之結黨。以復明爲口號。並以五祖號召。嗣因意見紛歧。各行其是。遂釀成義興和勝手指建德致公堂等團體。派別懸殊。意見參商。始則互相攻擊。互相排擠。以剷除異己爲能事。繼則各霸一方。搗亂公安。甘作害羣之馬。雖英荷亦無如之何。適總理以民族主義博愛主義爲號召。極力宣傳。華

僑多受感化。然流品太雜。良莠不齊。當不免有一部份未能破除利己私心。藉其勢力以謀增加其本身之利益。故革命與中會成立伊始。因未有健全之組織。會員中有藉與中會之名義。別產生中和堂等。奉尤某爲首領。濫收黨員。無非斂財爲目的。總理有鑒於此。乃召集志同道合之同志。創立同盟會。正在祕密進行中。而中和堂亦以同盟會之名義。提倡革命。收入黨費。以爲其本會宣傳革命之用。各同志因其尙以革命爲口號。故對之頗能原諒。且不深究焉。迨丁未年滿清派欽差楊士琦。率海旗海容兩艦到南洋撫慰華僑時。霹靂同志提出關於國家主權上問題多種。以質問之。均不能答。乃忍辱而逃。從此革命聲譽。與日俱增。入黨者亦源源不絕。河口鎮南關一役。同志被安南政府驅逐出境者。達六七百人。全數安放新嘉坡。各同志遂發起籌捐義費恤亡費善後費。日以籌款從事。正在困難中。忽東京章太炎派陶成章來星洲。向總理要求撥款三千元爲民報印刷費。並求增加股款及維持費。總理四處張羅。無法籌措。乃出其手表等物。囑往變款。以救燃眉之急。彼竟生誤會。與總理爭持不休。厥後又請總理給以介函至各機關籌款。總理許之。陶得函後親至各埠。而應之者祇允爲從緩籌集。未卽交現。詎陶返坡後。竟設立光復會。由對方總匯報宣佈總理十大罪惡。同志中之頭腦簡單者。多被誘惑。而投入該會者不乏其人。然其會員俱屬投鼠忌器。意志薄弱之輩。而不瞭解黨義。因此又呈分裂之象。影響所及。連總部亦不能立足。乃移芙蓉

。後以交通不便。復遷檳城。交與吳世榮黃金慶陳新政主持。併設立檳城書報社爲機關。光華日報爲宣傳機關。而民報所籌之款。因光復會成立後。曾於各埠密設無數分會。故將捐款移入光華報。以擴充股本。

庚戌年秋 總理在檳城開會。黃興趙聲等報告情事。謂時機已至。若不乘勢發動。恐遭失敗。且對於後謀。將發生莫大之障礙。故須火速接濟等情。總理乃假檳城最富裕之俱樂部清芳閣開會演講革命主義之真諦。與救國應有之熱忱。並謂若籌集義費十萬元。則大事可濟。成功可卜。惟此企圖。當卽爲保皇黨所破壞。因應彼輩之請求。星督遂出而干涉。限令此後不得集會演講革命與籌款等情。否則驅逐出境等語。總理乃令同志等秘密召集各機關會長。在吡叻決醒園會議。當時各會會長均出席。星洲副會長陸秋露亦赴會。討論結果。決議進行。以英屬担籌五萬。胡漢民出發安南暹羅等埠。担籌五萬。而荷屬亦担籌五萬。財政問題。遂得決定。後黃興同志卽回港主持。螺生等則分頭出發秘密募捐。新嘉坡方面。因老同志不負責。而新機關尙未成立。乃懇請沈聯芳潘兆鵬邱國瓦等共同負責。募捐計劃既妥。原定辛亥元旦起義。不料事先爲粵當局所聞。立向港政府交涉。請求嚴禁軍火入口。以致由日運付粵地之軍火。因中途檢查嚴密。盡棄於海中。乃改起義期於是年三月廿九日焉。時屆孟春。適溫生財在（打們燕不山）梁輝之礦場工作。因不堪受英籍管理人之侮辱。起而反抗

。遂被斥逐。乃憤而決計回粵。暗殺滿將軍孚崎。孚崎果於三月九日在東較場閱演飛機時被槍殺。事後轟動全國。而革命之聲浪亦因而益張。粵政府急下戒嚴令。並紛調防兵入城。以資鎮壓。各同志乃於三月廿六日在廣州開會。到者八隊。銜鋒首領及辦事人員。以官方防備有加。在此期間發難。難獲勝利。乃決議變更起義日期。並通令將各部隊。立時解散。以保全實力而爲他日捲土重來之計。乃相率準備。各回港澳。迨廿七日新到廣州之東京黨員數十人。（以閩籍居多）林時爽等建議云。如此解散。無異失敗。因軍械既入。殊難再事運出。萬一被敵方搜獲。將如之何。不如轟轟烈烈銜鋒作殊死之鬥。即不幸而失敗。亦屬光榮。既可免爲保皇黨譏刺吾人爲騙錢之黨。復不至影響於未來之募捐也。黃興同志贊成此議。乃臨時召集同志。準備發難。並即分電港澳各首領。立即召集所部。依照原定計劃銜鋒。不得有誤。按當日銜鋒隊八百名分爲八隊。屆時僅得一百三十餘人。銜入督署搜索。而不見張鳴岐出署。當時又因誤會對方軍隊響應。致被包圍環擊。幾無生還。隊中烈士數人失散後。猶與滿軍巷戰不休。惜乎東南北三門未有接應。致全遭失敗。海外同志聞訊。各自唏噓歎息。甚或淚涕交流。事已至此。夫復何言。至四月七八日。得接黃興港電云。事雖失敗。來者可追。惟對傷亡同志。當速籌款撫恤等語。旋同人集款討論。惟咸面面相對。默然無語。眼淚不禁奪眶而出。深恨漢賊李準之助紂爲惡。殘殺我七十二烈士。憤激之餘。陳同志敬岳起立。

誓殺李準以爲諸烈士復仇雪恨。同時勗勉同人。仍當積極繼續籌劃報復。以完成其志。事後卽日回國。在外黨員。亦多願犧牲歸國復仇。不遑不休。各同志當以謀光復大事爲重。至七月二十九日。黃興由港電稱。川事驟變。民憤已極。而鄂能響應。速籌款接濟等語。同時各方召集有關係者。回國勸助進行。八月十九日湖北黨人發難。以砲隊挾黎元洪。嚇走鄂省瑞澂。從此各同志乃得於各省進行其革命事業而無間。迨南京光復。一致舉總理爲臨時總統。而一般投機官吏。亦望風歸附。滿清既滅。南北統一實現。於是中華民國之基礎。乃得以成立焉。而本黨之前輩。前爲保皇黨所目爲無意識無五倫之黨員。至是則一躍而爲黨國元老。革命偉人。英屬政府亦認同盟會爲政黨矣。前爲民衆所疑忌。今則極爲其所欽慕而歡迎矣。且對內對外。無論政治上軍事上建設上公益上所需之資。亦多樂於捐助。當黃興任南京留守府時。提倡所謂國民捐。亦預得海外同志之贊助。先後組織各募捐機關。而僑衆解囊輸捐者極形踴躍。不轉瞬而數目竟達數百萬元。統歸財政部梁士詒接收。並分別發給獎狀徽章以爲紀念而表功績。總理以初步目的已達。向後政治。當以公開統一爲目標。乃將同盟會改組爲中國國民黨。而已仍爲總理。及令海外黨部遵照改組。至民二年且得英屬地政府允許。公開註冊。於各埠設立國民黨支部凡百餘機關。不意人心不古。袁世凱竟以民主政體。主權在民。其元首地位不如皇帝之尊嚴。而其威權更相形見拙。遂有帝制思想。乃藉其勢力。

日以摧殘民黨爲己任。不惜利用陰謀。以達此目的。如宋教仁等之暗殺。陳炯明等之收買。及各省督軍之離間是也。當時應付之者。總理擬有辦法。其一爲退讓政治軍事權於袁氏。而黨權則歸於己。其二爲全體積極反抗。以戢其野心。而採納此辦法者竟寥寥無幾。袁氏乃乘吾人之弱點。以迅雷不及掩耳之手段。先後撤換浙粵皖贛等都督。遂釀成第二次革命戰爭。無何。吾人精神不能團結。意見未能一致。幾全遭失敗。黨部要人。仍亡命海外。總理由台灣而之東京。當時各同志對於過去失敗。有互相推諉者。有互相歸咎者。議論紛紛。莫衷一是。乃悔當時不聽總理之命有以致之也。於是乃請總理從新嚴密組織第三次中華革命黨。採用總理獨裁制。卽總理有指揮執行權。不聽令者處分之。黨員祇有對總理絕對服從。而無自由權。如願宣誓者爲黨員。否則爲非黨員。至民三年秋。總部成立於東京。而於各埠亦設支部。然黨員中對主義既不明瞭。對總理復不信仰。各行其志。藉事生端。對於黨務之折衝樽俎。既乏其人。而能負責領導者。更如鳳毛麟角。無怪乎糾紛叢生。日趨於分裂。投機份子暨惟利是視之徒。遂得乘機趨焰附勢。謀霸各黨部之勢力。而在南洋方面。竟分立水利公司。陽爲各行其志。陰行割據之實。或提倡聯省自治。而與本黨爲敵。總理鑒於大局之瀕亂。黨派之爭持。非實力不足以補救。乃發行一種債券。藉募大款以備軍實。因此乃得於民三四年討龍濟光。五六年討袁世凱。討袁功成。乃率戰艦赴粵。設元帥府於

廣州。厥後由總理制而改爲七總裁制。總理乃辭職赴滬。著孫文學說、建國方略、建國大綱、三民主義等書。民九年秋。令陳炯明回粵。民十年召集國會議員。組織非常國會。議決選舉總統。以主持國政。當以總理爲總統。設總統府於廣州。於是有北伐之議。因總理認定北方之軍閥官僚。一日未除。則革命前途尙多暗礁。統一無望。卽革命不能澈底也。故有北伐之必要。正待籌備出發。不謂陳炯明因利令智昏。竟秘密南聯唐某。北聯吳某。以反抗總理。其名義上爲聯省自治。實則謀所以破壞總理統一之計劃。結果民十一年六月十六日叛變。砲攻總統府。幸林某秘書暨林某參軍得密告。挽總理出府。乃得脫險。安下戰艦。於是退守黃埔。由黃埔而至珠江。繼續與陳逆戰鬪。凡三四閱月。乃移申江。按此次叛變。不獨爲總理所意料不及。且爲其生平爲國奔走所得之最深刻之印象。至於革命事業。亦受最大之打擊。言之痛心。至民十二年許軍由閩回粵乃請總理回粵。主持軍政。民十三年開第一次代表大會。成立中央黨部。總理乃令蔣介石訓練黨軍於黃埔。迨剷除陳逆餘孽後遂。準備北伐以完成其統一之志。詎天不造美。總理竟於民十四年在北平抱病逝世。未能目睹革命之成功。統一之實現。甯非憾事。民十五年。黨內要人。乃召集第二次代表大會。議決以軍校交與蔣總司令。莫不同慶主持北伐大計有人也。蔣總司令果然能以最短時間。由粵而湘而鄂而至江浙。所向披靡。南京既定。遂召集三中會議。依總理之計劃。移首都

及組織國民政府於南京。民十七年。因當局者以黨員之產生過於複雜。乃建議實行從新登記。無非以黨之統一爲意志耳。至民十八年。開第三次代表大會。民二十年。又開第四次代表大會。同年四月二日國府外交部部長王正廷。不惜與英公使交換牒文。允許取銷在英屬各地所有之黨部及辦事處。是則海外黨史。由祕密而公開。由公開而半公開。由半公開而歸於消滅。經數十年繼續不斷之爲國努力。對於每次革命。幾無一而不參加。對於各種義捐。亦幾無一而不贊助。卽謂南洋爲革命之策源地。亦非爲過也。而結果僅得任其淘汰而了事。甯非痛心。從此僑胞對於祖國之救亡。雖有其心。而不敢明目張膽。對於禦侮。雖有其志。而多受制肘。對於義捐。雖踴躍輸將。亦多感覺爲難也。鄙意國難未已。外侮方殷。既未便出於宣戰。自當長期抵抗以謀收復既失之領土。而所需之軍費浩繁。正賴民衆之接濟。尤其是海外僑胞之源源捐助也。故爲便利起見。當有恢復海外黨部之必要。查當日民國成立伊始。民組黨之織未健全。黨員之收入未一致。且爲英屬地政府允許。公開註冊及設立黨部於各埠。而視今日之國民黨。其組織之完善。主義之新穎。政策之開明。已爲各國所贊許。卽較之各新憲法國家之黨組織與政策。亦有過之而無不及。乃在海外之黨部反任人取締。何其矛盾若是耶。然牒文之交換。雖屬已成之局。而據理交涉。收回成命。亦非絕對不可能之事。至於目的之能否達到。則視乎當局之能否與人民合作努力進行爲斷。

總理政力國成革命

降屬美房者思年故南洋同志

多雅親吳敬誼和仲之赴郵

家捐頃以為贊此且歷久而

不忘辛亥走後前以總理親所

為書政南洋同志者多此史實

閱非徒年累之可寶也鄰軍

同志前年既當集所付者付石

八歲在解水鄰里諸同志及

擲刻總理遺墨及爾時同志

手札為紀念至二十年布聞

之光景猶歷在目而我同志諸侯

市高樓連之流坑凡百犧牲獨

此方文獻所繫苦心保藏不食散

佚別尤為難能而可貴矣

民國十一年十月五日胡漢民識

翰

墨

常

留

楚
儻
敬
題



源水仁兄同志正

我不入地
獄誰入
地獄

李烈鈞



螺生仁兄同志正

力挽
狂瀾

李烈鈞

見利思義，後令久，
至不出，子生之言。

為源小言

章一師辭

變動不居，周流六虛，
上下無常，剛柔相為，
不可為典，要非變所，
遠。

為源小言

章一師辭